


毘婆沙論

才三十

三百六十六
卷十

50390



阿毗曇毗婆沙論卷第三十

磨

迦旃延子造 五百羅漢釋

北涼沙門浮陀跋摩共道泰譯

雜捷度無義品之二

又世尊言正身結加趺坐繫念在前乃至廣說問曰如一切威儀盡中行道何故但說結加趺坐答曰或有說者此是舊所行法所以

者何過去恒河沙諸佛及佛弟子盡行此法復有說者能生他人恭敬心故若結加趺坐起於惡覺猶生他人恭敬之心是故欲生他人恭敬心故復有說者此法非是世俗愛欲法故餘威儀者世俗用之復次此法能生三種菩提道故聲聞辟支佛佛菩提不以餘威



儀得但以是得復次此法行道時隨順安隱
非餘威儀故復次此法能壞魔軍如佛世尊
結加趺坐能破煩惱及天魔軍復次此法能
適可大人心故復次此法不與外道共故餘
威儀與外道共云何名結加趺坐尊者波奢
說曰加趺坐者累兩足正觀境界則得隨順
定名加趺坐云何繫念在前面上故名繫念
在前復次背煩惱在後正觀寂滅在前故名
繫念在前復次背生死在後正觀涅槃在前
故名繫念在前復次背色等境界在後正觀
所緣在前故名繫念在前復次繫念在眼中
間故名繫念在前復次以勝慧力正觀境界

念令不散故名繫今在前復次念與不貪俱緣於境界故名繫念在前復次繫念在眉中間故名繫念在前觀青想等乃至廣說問曰何故繫念在面上耶荅曰無始以來男於女身起欲心女於男身起欲心多因於面復有說者以面是七入所依處行者欲觀察諸處故復有說者面是隨順不淨觀所以者何行上有七孔流出不淨以此處多出不淨故行者徧觀復有說者非因照不於自面而生於愛以不生愛故繫念在面復次以面上能生猗樂然後徧身猶如受欲時男女根邊生樂然後徧身復次面上速能生欲心故如見眼

耳鼻口好相即生欲心問曰繫念在面者爲
是初行爲是已行爲是久行人耶荅曰是久
行人行人有三種謂初行已行久行初行者
往至塚間善取死屍相謂若青若脹若爛若
壞若骨若鎖若骨鎖善取如是相已復觀脚
骨踝骨踣骨膝骨脛骨髓骨腰骨脊骨臂骨
手骨腕骨肩骨項骨頷骨齒骨髑髌骨於塚
間善取如是相已憶而不忘速還任處洗足
坐繩牀上若草敷上憶念所見死屍我身亦
亦如是名爲初行行者於所觀境界能令廣
亦能令略云何名廣如觀自身骨觀所坐牀
亦復是骨次觀屋舍所住之坊僧伽阿覽村

落田地所有國土人民乃至大海內所有大地皆觀是骨是名爲廣云何爲略捨大海內所有骨觀一國土所有骨捨國土內骨乃至捨觀牀骨惟觀已身骨能作如是廣略觀是名已行捨自脚骨觀自踝骨捨踝骨乃至觀髑髏骨髑髏骨有二種有左分右分若捨左分觀於右分若捨右分觀於左分捨於二分繫念眉間是名久行是時名爲始入身念處觀不淨觀或有緣少自在多或有自在少緣多或有緣少自在少或有緣多自在多初句者謂能數數觀自身於所觀境界不能令轉廣第二句者謂能觀大海內骨不能令此觀

數數現在前第三句者謂唯觀自身不能令
此觀數數現在前第四句者謂能觀大海內
骨復令此觀數數現在前不淨觀或有緣無
量非自在無量或有自在無量非緣無量或
有緣亦無量自在亦無量或有緣亦非無量
自在亦非無量初句者謂行者能觀大海內
骨不能令此觀數數現在前第二句者謂能
觀自身骨數數現在前不能令此觀廣第三
句者能觀大海內骨數數現在前第四句者
能觀自身骨不能令此觀數數現在前是名
行者觀於骨想云何觀搏食不淨想行者觀
手中若器中食此食為從何處來知從倉中

種種穀中來觀倉中穀復從何來知從田中
種種種子中來復觀以何長養種子知以糞
水糞復從何來知從屎屎糞掃聚中來如是
觀時見不淨物還增益不淨物行者或時入
村乞食或在僧中欲入村時所受用水而作
屎想所嚼楊枝作臂骨想所取衣作人皮想
帶作腸想鉢作髑髏想枝作脛骨想行石道
上時作髑髏骨想若至村時見牆壁屋舍作
骨聚想見男女大小作骨人想其所得食麩
作骨麩想鹽作碎齒想種種菜作髮想麩作
皮想飯作虫想羹作膿糞穢想生蘇乳酪作
腦想蘇油蜜石蜜作人肪想蒲萄漿作血想

肉作人肉想若入僧時所受淨草作人髮想
得麩等作骨麩想餘如前說問曰行者何故
作如是想耶答曰彼行者作是念無始已來
不淨為淨今應觀此物不淨即作不淨想能
作如是想者能對治欲愛復次欲對治欲愛
故作如是觀義言行者作師子吼語不淨分
我無始以來取汝淨相今欲廣取汝不淨相
問曰何以說不淨觀繫念在前不說阿那波
那念觀界方便耶答曰或有說者此說初起
方便如說不淨觀繫念在前亦應說阿那波
那念觀界方便而不說者當知此說有餘復
有說者隨多分故諸比丘多修不淨觀少有

脩阿那波那念者是故說不淨觀不說阿那
波那念尊者瞿沙說曰隨其入法時所用繫
念在前不必以不淨觀也尊者迦旃延子解
佛經故佛經說正心繫念在前除世貪心任
無貪法中乃至斷疑蓋亦如是五蓋之中何
者最重謂貪欲蓋不淨觀是貪欲蓋近對治
不淨觀次第亦能斷餘蓋亦能起禪是故以
不淨想繫念在前問曰不淨觀體性是何答
曰是無貪若取其相應共有則體是五陰諸
阿練若說體是慧所以者何佛經說若能善
攝諸根是名見不淨觀復有說者不淨觀體
是猒猒名相應心數法在如是等是名心數

法中評曰不應作是說說是不貪者好若取
相應共有體是四陰五陰界者是欲色界地
者是十地謂欲界中間禪根本四禪四禪邊
身者在欲界行者非十六行別行不淨行緣
者緣欲界色入問曰此為緣欲界一切色入
不答曰盡緣問曰若然者何以尊者阿尼盧
頭不能於快意天身作不淨觀耶曾聞尊者
阿尼盧頭於一林中加趺坐禪有四快意天
女自化其形端正極妙來詣尊者阿尼盧頭
所作如是言尊者阿尼盧頭我是快意天能
於四處自在變化若欲見我身何色者我悉
能現以娛樂之是時阿尼盧頭作是思惟我

今應當作不淨觀即起初禪不淨觀而不能
今此觀現在前乃至欲起第四禪不淨觀亦
復不能復作是念彼是種種色若當純是一
色我則能起即語天女言諸姊妹盡作青色
是時天女即作青色復作不淨觀猶故不能
復作是言諸姊妹盡作黃色是時天女即作
黃色復起不淨觀猶故不能復語之言諸姊
妹盡作赤色是時天女即作赤色復起不淨
觀猶故不能問曰尊者阿尼盧頭何故語諸
天女作種種色耶荅曰彼作是念移轉其色
我或能起不淨觀復次欲觀彼色好不好相
故如是語復作是念白色隨順骨相彼若作

白色者我能作不淨觀即語言姊妹汝作白色是時天女即作白色起不淨觀猶故不能復作是念此諸天女端正殊妙即時默然閉目不看是時天女忽然不現如是義云何通耶荅曰彼尊者阿尼盧頭雖不能觀餘利根者能如尊者目捷連舍利弗辟支佛佛問曰有能於佛身作不淨觀不耶荅曰一切聲聞辟支佛能觀而不能作不淨想所以者何佛身極明淨極妙極勝無諸過咎衆生樂見故是故一切聲聞辟支佛不能作不淨觀惟佛能觀復有說者聲聞亦能觀所以者何不淨有二種一是色過患二是色緣起不能

觀色過患而能觀色緣起不淨觀復有二種
一是摠相二是別相能觀摠相不能觀別相
念處者根本而言非念處方便而言是身念
處智者與等智相應根者摠與三根相應定
者不與定相應過去未來現在者是三世法
緣過去未來現在者過去即緣過去法現在
者即緣現在法未來不生者緣三世當生者
緣未來善不善無記者是善緣善不善無記
者三種盡緣緣無記法多三界繫者欲色繫
緣三界者緣欲界學無學非學非無學者是
非學非無學緣學無學非學非無學者緣非
學非無學見道斷修道斷無斷者是修道斷

緣見道斷修道斷不斷者是緣修道斷緣自身他身者緣自身亦緣他身緣名緣義者是緣義是離欲得方便得者亦是離欲亦是方便離欲得者離欲界欲得初禪地者乃至離三禪欲得第四禪地者最後身凡夫人聖人得曾所得亦得未曾得其餘凡夫得曾所得離欲得者離欲時得後作方便起現在前佛不以方便起現在前辟支佛起下方便聲聞或作中方便或作上方便起現在前不淨觀有作方便而得後作方便起現在前問曰何等人能起不淨觀耶答曰凡夫聖人俱能聖人者從須陁洹乃至阿羅漢何處起者答曰

先作是說欲界中是三方非鬱單越欲界天
中不能使初行現在前所以者何以無青等
死屍故先於人中得後於彼起現在前聞思
修者是三種欲界者是聞思色界者是聞修
問曰觀一切是骨而一切非骨云何此觀非
顛倒耶荅曰能斷結故非是顛倒問曰觀房
舍是骨此觀何所緣耶荅曰或有說者緣本
所見塚間骨鎖復有說者緣房舍中所有虛
空界評曰此是虛想觀其所觀即緣彼法如
是說者好

問曰此不淨觀爲在意地爲在六識身耶荅
曰是意地緣於形色非五識身問曰若是意

地非五識身者此經云何通如說眼見色作
不淨思惟荅曰先眼識見色後意地作不淨
思惟復有說者從其門從其道如六喜觀行
是意識地從眼門道生乃至身門道生是故
說六不淨觀當知亦如是問曰從眼門道生
不淨觀作如是說者可乎如彼經說耳聞聲
鼻嗅香身覺觸意知法作不淨思惟此云何
通所以者何除色入餘入非不淨觀境界荅
曰或有說者不淨觀不緣聲等更有勝行能
厭離聲等復有說者爲色愛所覆修不淨觀
爲聲香味觸法愛所覆亦修不淨觀故作如
是說復有說者行者觀形色是不淨形色所

依聲香味觸法更以勝不淨觀馱離行觀故
作如是說復有說者行者善修不淨觀能伏
作色復欲伏於聲等境界若能伏者善若不
能者還修不淨觀猶如鬪軍時先安營壘然
後出陣與怨共鬪若勝怨者善若不勝者便
還營壘彼亦如是是故作如是說經說有五
現見三昧云何爲五如說汝等比丘當如實
觀察此身從足至頂髮種種不淨充滿其中
所謂髮毛爪齒薄皮厚皮筋脉肉骨心肺脾
腎肝膽澹陰大小腸胃屎尿涕唾口中流涎
肪膈髓腦及以腦胘膿血汗淚生藏熟藏猶
如有人於門窻向觀見倉中種種雜穀謂胡

麻稈米大小諸豆大麥小麥等比丘如實觀
察此身亦復如是若能如是觀者是名初現
見三昧復次比丘如實觀察此身乃至廣說
除去血肉唯觀白骨識於中行若能如是觀
者是名第二現見三昧復次比丘如實觀察
此身乃至廣說觀此骨身識於中行亦任今
世亦任來世若能如是觀者是名第三現見
三昧復次比丘如實觀察此身乃至廣說但
觀骨身識在中行任於來世不任今世若能
如是觀者是名第四現見三昧復次比丘乃
至觀身白骨識在中行不任今世亦不任來
世若能如是觀者是名第五現見三昧

問曰此五現見三昧誰之所有答曰第一第二現見三昧凡夫聖人所有第三者是須陀洹斯陀含所有第四者阿那含所有第五者阿羅漢所有問曰第一第二三昧是現見可余所以者何因現見生故觀識行時云何是現見答曰現見是其方便從現見生故亦名現見諸法立名處多以自體故立名或以所依故立名或以相應故立名或以對治故立名或以行或以緣或以行緣故立名或以方便故立名自體立名者如諦如陰諦者體是逼切故名苦諦乃至體是求故名道諦體是色故名色陰乃至體是識故名識陰所依

立名者如眼識依眼生故名眼識乃至意識
依意生故名意識相應立名者如意業意行
如意觸生愛此法與意相應故立名對治立
名者如法智比智若法對治欲界是名法智
若法對治色無色界是名比智行立名者如
苦智集智所以者何此智緣向行不同緣立
名者如無相三昧緣無十相法故名無相行
緣立名者如滅智道智所以者何此二智行
不同緣亦不同方便立名者如他心智空處
識處五現見三昧以現見爲方便生此定故
名現見三昧問曰不淨觀何故名現見三昧
耶荅曰能生現見三昧故問曰何故佛不淨

觀獨名無上耶答曰或有說者佛不淨觀能
勝伏一切境界故獨名無上聲聞辟支佛所
有不淨觀不能勝伏一切境界如尊者阿尼
盧頭不能勝伏境界不名無上復有說者佛
不淨觀是骨觀觀骨是骨觀筋肉等是筋肉
乃至廣說評曰若作是說通佛是少境界不
淨觀者如前說者好能勝一切境界故獨稱
無上

如佛告目捷連提舍梵天何以不爲汝說第
六人住無相乃至廣說問曰何故作此論答
曰此是佛經佛經中說佛住舍衛國祇陀林
中給孤獨精舍尔時有三梵身天光明照耀

以夜初分來詣佛所到佛所已頂禮佛足在
一面立時一梵天白佛言世尊婆翅多國有
衆多比丘尼命過第二梵天復白佛言世尊
彼命過者有是有餘涅槃者第三梵天復白
佛言世尊彼命過者有是無餘涅槃者時諸
梵天說是語已繞佛三匝忽然不現尔時世
尊過此夜已使敷牀座於僧中坐已告諸比
丘作如是言昨夜初分有三梵天光明照耀
來詣我所乃至第三梵天說是語已繞我三
匝忽然不現尔時大目犍連在彼衆中作是
思惟彼天有如是知見言是有餘涅槃無餘
涅槃者是何天耶尔時大目犍連隨其所應

即入三昧三昧力故於祇陁林忽然不現住
梵天上去提舍梵天不遠尔時目捷連從三
昧起詣提舍梵天所到已作如是言提舍何
等梵天有如是知見知是有餘涅槃知是無
餘涅槃

問曰如目捷連知見勝於梵天百千万分何
以問於梵天耶答曰欲顯提舍梵天功德故
此天本是目捷連弟子得阿那含果有大功
德彼諸梵天無有識者欲顯彼功德令諸梵
衆恭敬尊重故是以問之時提舍梵天答目
捷連言此梵身諸天有如是知見能知有餘
涅槃者尔時目捷連問提舍梵天一切梵身

諸天盡有此知見知有餘涅槃無餘涅槃不
耶提舍梵天荅言非一切梵身天有如是知
見乃至廣說此諸梵天雖有天壽妙色名譽
而不知足不知如實最上遠離法者無是知
見若諸梵天有壽色名譽而行知足能知如
實最上遠離法者有如是知見尊者曰捷連
復問提舍梵天此諸梵天去何能知提舍荅
言尊者曰捷連若諸比丘得阿羅漢道是俱
解脫是諸梵天作是思惟若此大德有身之
時人天皆見若身壞命終人天更不復見不
但俱解脫若比丘得阿羅漢是慧解脫是諸
梵天作是思惟此比丘得阿羅漢是慧解脫

此大德有身之時人天皆見乃至廣說不但
慧解脫也若比丘是身證此大德亦能勝進
得無學根見到信解脫說亦如是

問曰彼諸梵天何以不說堅信堅法耶答曰
或有說者若是彼天境界者則說堅信堅法
非其境界是故不說復有說者若是諸梵所

行法者則說此法非其所行是故不說亦時
目捷連聞提舍梵天所說心生歡喜隨其所
應即入三昧以三昧力從梵天沒到祇陀林
亦時尊者目捷連從三昧起往詣佛所頂禮
佛足在一面坐先共提舍梵天所論說事具
以白佛

尔時世尊告目捷連言提舍梵天不說第六
人行無相耶尔時大目捷連即從坐起合掌
向佛而白佛言世尊今正是時惟願世尊說
第六人行無相若諸比丘聞已當奉行之
佛告目捷連諦聽善思念之我今當說目連
當知若比丘不觀一切相入心無相三昧是
名第六人行無相佛經雖作是說而不分別
佛經是此論所爲根本此論是佛經優波提
舍諸經所不說今欲說故而作此論云何第
六人行無相荅曰堅信堅法是第六人行無
相人所以者何七種聖人攝一切聖人提舍
梵天已說五種不說此二種是以知之間曰

此二人何以說行無相者耶。答曰：彼尊者不可施設，立名在此，在彼，乃至廣說。問曰：此是二人，何以說一耶？答曰：即如文說，此二俱不可施設，立名在此，在彼，以義同，故說名為一。復有說者：此二俱不起，不相似，心復有說者。此二所行心等，俱有十五心，故復有說者。此二俱不起，期心，故復有說者。此二俱是不可施設，俱是無言說，俱是速疾道，以是義，故二人為第六人。問曰：彼五人，是行無相人耶？何以說此行無相者？名第六行無相人。答曰：彼五人者，非行無相人。唯此名行無相人。問曰：若然者，何以說此是第六行無相人？答曰：此

是數法第六非是行無相第六餘處亦說已
害第五常行前四非是常唯第五者是常以
數法故第五者是常非四盡是常如說第六
增上五亦如是如是以數法故言第六非無
相故言第六也問曰此所說無相無相解脫
門不動法心解脫亦說是無相非想想非非想
處亦說是無相此四有何差別答曰此中說
見道是無相所以者何此是速疾道不起期
心若人入此法者不可施設在此在彼故說
無相無相解脫門言無相者以緣無十相法
故言無相不動法心解脫言無相者不爲諸
煩惱相所覆蔽亦不更生煩惱相故言無相

非想非非想處言無相者以彼處愚劣不猛
利不決定所行似疑彼無了了想相無了了
非想相是故言無相見道有十五心第十六
心俱道比智是修道聲聞能知見道中二心
謂苦法忍苦法智若欲觀第三苦比忍心是
時乃知第十六道比智相應心辟支佛知見
道中三心謂苦法忍苦法智若欲知苦比忍
時是時乃知第八集比智相應心佛世尊知
見道中所更相續心問曰何故聲聞知見道
中二心辟支佛知三心佛悉知耶荅曰他心
智知相似境界不知不相似境界世俗知世
俗心心數法無漏知無漏心心數法法智知

法智分比智知比智分聲聞辟支佛作方便
他心智乃現在前行者欲入見道聲聞他心
智現在前是時知見道中二心謂苦法忍俱
心苦法智俱心行者入比智分聲聞作比智
分他心智方便起比智分他心智現在前欲
知第三心乃知第十六心行者欲入見道辟
支佛作法智分他心智方便行者入見道辟
支佛起法智分他心智現在前知二心謂苦
法忍苦法智行者入比智分辟支佛作比智
分他心智方便起比智分他心智現在前欲
知第三苦比忍心乃知第八集比智心佛不
作方便他心智現在前如行者起見道中一

一刹那現在前佛亦起他心智知見道一一所
更相續心問曰有能施堅信堅法人食者不
耶荅曰不能若施衣服牀座則能食則不能
所以者何此是速疾道故若入此道必不起
期心不可施設在此在彼是故不能施其食
問曰若不能施其食者優伽長者經云何通
如說居士此是須陁洹此是向須陁洹乃至
廣說荅曰此是天語此天或有說是魔王眷
屬欲嫉亂居士心故復有說者彼天是餓鬼
欲欺誑居士故作如是說復有說者此天是
居士家中受祀祠神欲令居士心生歡喜亦
欲示現情相親近故作如是說復有說者此

天是彼居士本日親屬欲示其福田非福田
故作如是說問曰天於居士縱令極親非其
境界何由而知荅曰向須陁洹果有二種一
是假名二是真實若真實者非其境界若假
名者是其境界復有說者有能施其食者而
彼未食所以者何如行者入見道若弟子若
比丘座爲其受食若檀越以食著其草上若衣
械上如餘經說婆陁利於意云何若比丘是
堅信我語之言汝於汚泥以身爲橋我欲從
上而過爲違我言不荅言不此亦說假名須
陁洹向非是真實所以者何真實須陁洹向
者不起不相似心聞佛所說故復有說者此

中亦說真實須隨洹向問曰彼不起不相似
心能聞佛所說云何言是真實耶答曰雖不
聞佛所說以深心敬重佛故假令見道可起
者亦當隨順佛言是故佛作是言有如是功
德者隨順我言何況汝無功德者也

如說世尊轉法輪地神唱言乃至廣說問曰

何故作此論答曰為斷疑故人謂地神有現
前了了智知佛轉法輪非是比相智欲說地
神無有現前了了智有比相智知佛轉法輪
故而作此論

踝反胡 瓦反 踣亦時 軟反 胫反 蒲反 米反 髓二寬 坤音 脊音 膊音

腕烏貫 頷胡感 搏食 團上音 屎俗亦 作屎 屎屎 屎屎 嚼

才約 鈔尺 小反 鹽蓋 麩餅 肪音 營壘 水下 力反 膽丁

反澹 陰上音 談澆 唾上 涎似 連肪 册下 干及 蘇反

腦下 胘古 哀反 足大 指也 非此 用榮 穀字 稅米

與音 類庚 婆下 翅下 施去 媯亂 乃上 鳥反 又祠 祀音 二字 詞

似
衣
襪
衣下
襟也
得反

